

宜陽縣志

卷一

序 姓氏 凡例
目錄 圖 天文

光緒辛巳續修

宜陽縣志

本署藏板

舊志序

前任知縣恒倫原編
謝應起重校

按邑各有志宜之邑其來已久自成周歷秦漢晉唐宋明以迄我

朝凡幾千禩矣其間山川人物風俗政蹟班班可攷者恃有志焉以攷之也宜經兵燹之後志書缺如前此諸君子未遑問及也予承

命今歲四月甫蒞茲土蒙憲檄屢督縣志予遂詢之故老僉曰版籍灰燼無餘矣予以志紀有據之事非可意創也敦請邑紳劉先生元波相與謀之先生具班馬手筆直任之曰無難也因而搜剔幽隱哀集散逸不數月纂輯成帙予遍覽始卒大都參之圖經以志疆域本乎一統以志建置準諸禹貢以志田賦徵

宜陽縣志

卷一

序

諸士庶以定官師協于鄉評以采人物稽之典籍以綜藝文立義以審制修詞以審式據實筆削無一譌漏次第井井犁然可觀予不覺拍案稱快遂亟選梓人付之刻鏤以期垂之久遠顧余於此竊有思焉宜之邑山川靈秀人物情龐風俗貞淑予雖不能必陵谷之無變遷也人物之無翬凌也風俗之無涼薄也惟政事之責在予予又不敢自謂有得無失也有美無回也其爲計得防失釋回增美之慮日夜兢兢而未有艾也考之志云宜爲召伯巡行古地甘棠遺跡於今尚在春秋明禋崇祀弗誼凡蒞茲土者瞻顧是志倣召伯之遺躅而行之父母斯民之責庶幾乎其不愧焉爾則志之有神於司牧者詎淺鮮哉昔李吉甫作元和郡國志謂爲政者執此可以治天下噫志書旣成邑

事具備予披召伯之已事而識之不恐釋手後之君子其勿以
予言爲迂也幸甚順治十六年歲次己亥立秋之吉知宜陽縣
事般陽王鼎允

舊志序

古者諸侯之國有史如晉之乘楚之檮杌魯之春秋者是今之郡邑地方百里卽古諸侯之國也郡邑之志紀往傳來亦卽國史之屬也故一邑百里之內凡土宜之肥磽山川之夷險民生之利弊習俗之貞淫戶口之盈虛田賦之登耗政令之得失賢人君子之論著忠臣孝子義夫節婦之芳踪卓軌犁然具備旨寓勸懲義垂法戒其所係不綦重與宜邑舊固有志余猶及見之兵燹之餘圖書灰燼十數年來志缺如矣嗚呼文獻不足模範安存將後之視今不猶今之視昔耶余心竊有憂焉夙思纂輯恨讓匪弗克卒事頃者

國治綦隆文教聿興憲藩諸公丕振大雅交檄而徵之合屬邑
宜陽縣志

卷一 序

侯王公其良史才修舉固所優爲者特初蒞茲土百務待理未暇及此猥以余爲博洽造廬而下問焉余雖不敏誼不容固辭爰是博訪宿儒之所覩記旁咨父老之所傳聞併徧搜碑碣之所紀載左據右拾朝叅夕訂幾經揣摩而始編次成帙噫食時而就旣愧劉安之捷懸金以市又乏呂覽之精姑以餽飭俎饗全信不誣求不失三代之遺意云爾若夫鞞鞞其華琅琅其韻與龍門洛下之銘少陵青蓮之詠等鳴鴻章竒藻以潤色太平則請侯後之名賢起而任之非予今日之所敢居也順治十有六年立秋之吉原任耀州知州邑人劉潔

巡撫河南等處地方提督軍務兼理河道都察院右副都御史
加四級閩 爲續修志書以存文獻事照得郡邑有志必信必
徵始足傳後其間博而不支簡而能盡彬彬大雅上之可列於
職方下之可藏於石室蓋有關於政治者匪淺也豫省當天下
之中道里所均古聖賢大半發跡於斯則輶軒所至未有不訪
其故實者而郡邑之志已三十餘年莫之增修其爲遺漏者多
矣又昔年修志止取備文未加攷訂或限以數目或所托非人
本都院逐一查閱府志如河南南陽縣志如宜陽河陰蘭陽等
志荒悖失倫莫可枚舉至於安陽汲縣乃彰德衛輝兩府首邑
竟無志書尤爲缺典今本都院已將通省志書設局修正而各
府州縣所送續冊未能盡一又通志所載限於定格不能如府
宜陽縣志

卷一 牌

州縣之詳則三十餘年所遺者十之六七自此漸遠漸至凋殘
文獻無徵何從取信矧此三十年皆我

皇上生聚教養之所培其戶口日增土田日闢文治隆而風俗
厚災祥見而官民警安可不大書特書以爲一代盛典哉擬合
通行續修爲此牌仰該縣官吏照牌事理卽延擇文學名儒熟
知典故長於史事者博採典故章蒐羅遺軼其舊志未載者一一
補之舊志之舛譌者悉改正之不得以同名疑誤相沿不得以
稗官小說攙入本都院又恐各屬參差不齊未歸畫一將凡例
開明粘單於右悉照此爲規程若夫叙論之古雅與茂俱屬才
人之大筆在乎各自畱心稿成先錄草本呈送本都院批閱或
定其所費紙張工料須量力捐貲慎勿驟臺派之民間諒此不

朽之盛舉可指日觀成也

康熙二十九年七月 日

康熙三十年十月初六日重修告竣呈送巡撫都察院閤 批
豫省諸郡縣志之第一宜毀而重修者莫過於宜陽茲則皆刪
去之矣所作諸總論已疏通流利引用亦雅貼可喜較之舊志
恍如撥雲霧十重是可喜也

宜陽縣志

卷一 牌

二

舊志序

庚午大中丞閻公傳檄郡邑纂修志書用以贊重書一統之盛也夫一代之興必有文治一邦之治必有文獻於以知邑之志與國之有史正同頌史或畧地詳人志則書人書地書事物必悉使若汲冢岐陽蒼素莫晰漏遺靡哀奚以垂不刊之典哉大中丞檄下之日會儀真汪公以翰林出守河南府志之修濡毫染墨立觀厥成矣我邑侯景州申公本董賈之才學爲卓魯之治績仁義之言馥若椒蘭天人之理遠如江海其於天文也識星野之分宿離經紀之常上瑞奇禳之由其於地輿也遍覽名山大川登高臨深舒嘯賦詩不減古名流之憑眺其於版籍賦役人物藝文之類悉能作所大要儀型名宦仰止先賢復作傳

宜陽縣志

卷一 序

作贊作銘作碑記纂叙成書簡而古朴而能該辛未大章月告竣而虛懷若谷更延名碩考正越王申夏乃得付諸棗梨是豈斷簡殘編因陋就簡者所可同年而語哉一日徵予序予不知所取材俾蕪譚惡札錯出其間有玷瓊珩良可訝也且以福昌彈丸鄙人所耳目者僅一邑之建置沿革山河風土而已至如百氏方技仙釋白馬東來青牛西去吞刀吐火刻木剪紙之幻無關記載皆不求甚解間南眺屏山北臨洛浦於山見憩鶴之崑岫於水觀西度之汪洋其間宦流之籍人物之盛男務耕女思織詩書之澤草墊之榮益信邑之有志卽列國之有史也今際我

皇上从道化成崇儒重道暨諸大人公祖父母整飭文教徵文

考獻垂不刊之典以贊車書一統之盛予三復斯志洋洋大觀
有不能已於言者矣是爲序昔康熙歲在辛未菊月之吉邑舉
人金式撰

宜陽縣志原跋

邑之有志昭文獻垂法戒也其載之冊者注蹟遺行必足徵足信始可垂之永久勸風化而勵人心宜自兵燹後圖籍散亡志殘缺久矣中丞閻公撫綏中土振興教化有修志之舉所在山川土田風俗人物約凡例十六則以昭畫一八郡檄文一時並下獨於宜陽志三致意焉蓋重惜其缺也又遇郡伯汪公以史館鴻才出守天中每召見必語及宜志揭其中之應訂者提命之令卽校讎無緩爇自愧謏陋弗克操觚竊思志之爲書創始難重修亦難以重修而兼創始愈難苟非才備三長虛公無我亦烏能核僞存真辨疑信於注牒發潛德之幽光俾後之人聞風而興起乎當斯任者正難其人邑侯申公適下車公冀北

宜陽縣志

卷一跋

一

奇才垂髫登賢書卽肆志於古自先秦兩漢及唐宋諸大家莫不博通淹貫茹英咀華以公之才卽校書天祿吾知染翰揮毫不難與班馬並駕又何論一邑乘哉公抑抑焉若弗克勝乃進爇而詢之曰吾初蒞茲土耳其日未悉諸生中長於史才者曷具以聞予曰宜固龍馬負圖處左伊闕右嶠函枕山帶河地靈鍾秀代有文人顧今則先獻凋謝矣後進之士某也克採訪某也備叅訂若夫總一書之成筆削刪定公其勝任而愉快乎公謝弗敏居無何邑之新政具布興利剔弊大綱振舉公於政事暇時巡行阡陌間採風問俗向父老訪遺事謂名賢偉烈固炳炳史冊若幽貞之士孤嫠之懿兵革後湮沒於荒邱廬井者殆不少也故往往多所訪聞且宜多名勝之地予時從公遊登臨所

至卽斷碑殘碣必考究源委低徊流連不忍去越半載蒐羅幾無遺力雖丹鉛未遑而邑之風土人物瞭若指掌胸中具有成書矣於是舉殘編中煩者去之訛者正之遺者入之不雅馴者飾之而大書特書一衷諸春秋之義雖摭摭搜覽不廢衆目而筆則筆削則削皆出公之一手自夏徂秋哀然成帙嗚呼盛矣其爲文也簡而該直而確質而不俚華而不浮遠固不遺近亦不濫非公之才備三長虛公無我亦何能纂修盡善若是乎以是仰副中憲公之雅意上佐蘭臺藜閣之採其鳴一統之盛詎不休哉爇從事編輯樂觀厥成因述其事而綴於卷末豈康熙歲在辛未孟秋上浣之吉宜陽縣教諭乙卯科舉人東婁劉爇謹跋

舊志序

倫不敏舞勺時領癸卯鄉薦迨庚午秋九月膺

簡命蒞任茲土甫下車會大中丞閻公檄輯縣志且頒十六條以爲楷式捧讀之下祇懼隕越因思

聖天子在上治隆唐虞萬國咸寧兼以中丞清操率屬保民如赤中州風化必有日引而月盛者惟是舊章已燼嗚矢無聲稗書小說傳訛而失真三承陶陰似是而亡實以致興衰隆替盡銷於戟光薪焰之中禮樂文章半湮於剩水殘山之外雖云文獻之缺實亦當事之羞非嚴加考覈無以報憲命而光史冊也乃於退食餘暇手自編輯數月告竣爲書四卷目十六條是役也或綴文以始事或徵實以定辭或依器以審其同或錯筆以

宜陽縣志

卷一 序

合其異歷年雖遠什一未亾試按籍而考之列彼星精正我疆理昭百度之規施垂千禩之模範凡足徵而足信具以興而以觀他若細事畸文亦間收之以備覽焉而又恐銖銖而稱之寸寸而度之者之猶乖其方也是所幸於高明者之匡其未逮抑不無望於後來者之襄厥未遑也矣
崇禎三十年九月望日
知宜陽縣事廣川申明倫敬敷氏謹撰

河南等處承宣布政使司布政使加四級趙 爲通飭事照得
郡邑之有志猶國之有史史載一代星野疆域祥瑞災異以及
君臣紀傳中外載記志亦如之史卽志之合志卽史之分也豫
省通志於雍正年間延請名儒考訂纂修刊刻成集固足以信
今而傳後但通志爲一省之綱領其細微節末端賴邑乘考載
詳明查各府州縣志書大率於康熙初年纂訂之後類皆殘缺
未經重輯此數十年來承平日久戶口繁多教化日興風俗移
易土田則有墾闢之殊疆域則有改隸之異其人才疊見如擢
高科而登黃榜者不乏人節孝可風而義行堪傳者不乏人至
備位茲土某某治行越卓某某素餐貽譏其姓氏尚在人耳目
間及今博採輿論猶不失其真倘再日循日久不思增輯後之
宜陽縣志

卷一 牌

人卽欲採擇而編載之苦於文獻無徵則數十年之巨革損益
政績文章人物風土幾何不湮沒無聞謂非守土之咎歟夫今
日之牧令額設公費無多欲其聘延碩彥多人開館纂輯付之
剗劂誠力有所未逮然就邑中紳士擇其品行端方素有文名
者一二人與之商確考訂照依舊志條款逐加增輯抄錄成書
一申司府備查一付禮房收貯俾后之人稽考有據可以踵事
而纂修之其事簡而易行其費約而不繁當亦諸君子所樂爲
也合行通飭爲此仰府官吏照牌事理即便轉飭所屬一體查
照辦理仍將作何修輯緣由先行具報事竣將所輯之書抄錄
送司查考毋視爲迂緩而致有高擱之舉毋畏其繁難而等於
道旁之築是本司所深望也

乾隆九年九月 日

宜陽縣志

卷一 牌

二

舊志序

志胡爲而修也踵而增之目表其所取義修者之志也宜陽爲邑其事則典載所延諸君子得目識其大者其取義則有能慎彰輝端風教本詩書禮樂之際意在斯乎

國家統一海宇興臨無外絕域遐陬按籍如指諸掌矧宜陽密還風施蒸蒸向化甯是僅存文獻云哉仰觀俯察疆理攸分星躔順正不遠明威由唐虞夏商日來繫于周卜年八百自後分領并隸不常所治其在于今有截其所自

天子命有司庶長更至迭承鄉舉里選明經射策之制隆焉如垆原田無穀不生百產旣庶棄土亦蠶戶登則田治賦平則產息三者相成卽訪甘棠而思政教之原問平泉而嗟木石之異宜陽縣志

卷一 序

何必不有此樂乎且禮從其俗由之平易我無目淑其身而唯其俗之咎夫安見固陋而性成况相勸目趨義忠臣所期有激而累親孝子必慎卓行暨乎閭幃節槩徵于吏治士生其間才能各有所長揆英擄藻郁郁彬彬蓋其懋矣作者擇言尤雅于人事蓋獨詳焉予有志焉而未逮鄉賢士大夫相與亟成之屬之覽者取義具在神而明之進而益善則有能慎彰輝端風教本詩書禮樂之際意在斯乎乾隆丁卯年孟夏月知宜陽縣事昌平周洵撰

舊志序

道二出處已矣出則拾遺補缺採四方事入告明廷臣子分也處則稽往俟來徵一鄉事存之故實處士義也前後遞承鄉國遞積志一邑因志世局之治而亂亂而治雖一日亦千古雖一邑亦天下也不葦重哉有明之修宜邑志者屢矣兵燹後而維桑典故概付秦灰焉

國朝雖兩修而及今五十餘載

聖天子德化彌洽文教誕敷宜雖葦爾巖邑亦未嘗乏公正廉明之長吏品行卓越之士民也使文獻無徵記載弗備其何以對揚丕烈光昭

聖治哉此志之所當續修而學士薦紳家所不容已也慨余年

宜陽縣志

卷一

序

一

甫弱冠從先大人鞅掌王事皇華越國足跡幾半天下凡得圖籍有裨於志者必心存之及司訓旋里歲月遷延蓋數十年而未克任斯役亦數十年而未敢稍釋諸懷也乙丑之歲西蜀王公奉憲檄重修邑志業與吾黨有成議矣金陵周公膺特調至宜以明作之才勵潔清之治政修人和百廢俱舉故於政治之暇惓惓斯役按吾輩之編摩而修飾潤色俾成大觀余見其事惟存實語不溢文如時政利病因革有關國計民生者則必詳如疆域星野山川古蹟邱墓故志所遺及昔存而今廢則必書如名宦鄉賢諸人品故所沉寔失收抑在後進者非輿論僉諧則不登如典禮始末訛舛莫正寺觀故址沒於草莽者則必悉覈備紀藝文非雅馴及有關風教者則不錄凡若此者網舉目

張條分縷析井井秩秩郁郁彬彬一代之令典數百年之故實
一展卷而炳如也燦如也昭

聖化之廣被恢憲典以奠封可以言作亦可以言述可以言志
亦可以言史一日也而千古一邑也而天下矣從此而吾黨立
德立功立言者有所仰止而接軫頽臨者當下車初首披茲志
如某某慈仁廉謹去思晶晶今豈異昔何以紹之某某文行忠
節孤懸皎皎今豈乏人何以培之利孰當興如志中某利某興
然今將安興不至擾及鷄豚弊孰當革如志中某弊某革然今
將安革不至受搖左右因時損益之得其所爲志卽得其所爲
政矣吾輩權非袞鉞職存掌故司馬子長所謂整齊故事以俟
後之君子者庶在茲乎乾隆十二年丁卯孟秋中浣日邑人原

宜陽縣志

卷一

序

二

任舞陽縣儒學訓導周榮撰